

## Generali Milojčić i Bair posjetili vojnike u Travniku



Obuka u skladu sa standardima NATO-a



Foto: Senad GUBELIĆ

# EUFOR jača OSBiH

U saradnji između OSBiH i EUFOR-a, te u koordinaciji sa štabom NATO-a u Sarajevu, izrađena je lista prioriteta po kojima će EUFOR pružiti pomoć u obuci naših vojnika

Načelnik Zajedničkog štaba Oružanih snaga Bosne i Hercegovine general-pukovnik Miladin Milojčić i komandant EUFOR-a general-major Bernhard Bair jučer su u Travniku prisustvovali početku obuke pripadnika OSBiH, koju obavljaju mobilni timovi snaga Evropske unije.

### Mobilni timovi

Nakon što su ih zapovjednik Zapovjedništva obuke i doktrine Robert Sušac i načelnik EUFOR-ovog Odjela za obuku i osposobljavanje Osman Aytac upoznali sa osnovnim elementima trenažnog procesa, generali Milojčić i Bair su obišli vojnike na poligonu u krugu kasarne. Potom su - uz intoniranje himni i podizanje zastava EU i BiH - otvorili kuću za smještaj mobilnog tima u blizini centra Travnika.

Na prezentaciji mobilnih timova, general Milojčić je rekao da je saradnja OSBiH sa EUFOR-om

kontinuiran i uspješan proces, koji je doprinio stvaranju i jačanju odbrambenog sistema BiH i neposrednoj pomoći njenim Oružanim snagama.

- Uloga EUFOR-a se, u skladu sa njihovom novom misijom, znatno mijenja i posebna pažnja se stavlja na oblast obuke OSBiH. U saradnji između OSBiH i EUFOR-a, te u koordinaciji s NATO štabom u Sarajevu, izrađena je lista prioriteta po kojima će EUFOR pružiti pomoć u obuci. Ovo će biti realizovano kroz različite programe i projekte angažovanja EUFOR-ovih mobilnih trening timova i instruktora, obezbjeđivanje opreme kojom OSBiH ne raspolaže, specijalističkom obukom te razmjenom iskustava i naučenih lekcija, kazao je Milojčić.

Glavna polja zajedničkog rada ogledaće se u upravljanju skladištima, inženjerskoj obuci, treningu za pomoć civilnim vlastima pri katas-

### Američka doktrina

Brigadir Sušac je naglasio da se cjelokupan lanac obuke i vojna doktrina OSBiH stopostotno zasnivaju na doktrinama američke kopnene vojske. Ciklus obuke traje tri godine i kroz njega prolaze sve postrojbe OSBiH, uz poštivanje standarda NATO-a. Trenutno se u Centru za osnovnu obuku u Pazariću nalazi sedmi naraštaj u kojem je 298 kandidata, od toga 22 djevojke.

- Do sada imamo 1.701 novog pripadnika OSBiH, od čega je 118 žena. Sve što radimo, svodi se na obuku za sukob visokog intenziteta i uz pun stepen operacije, kazao je on.

trofama, obuci jedinica ABHO i iz oblasti komunikacija, medicinskoj evakuaciji vazдушnim putem i unapređenju kapaciteta Komande obuke i doktrine OSBiH. General Milojčić je rekao da su se polazna planiranja odnosila na 25 područja, koja su svedena na ovih nekoliko.

On je ocijenio da je saradnja sa EUFOR-om u značajnoj mjeri unaprijeđena dolaskom general-majora Bernharda Baira na čelo EUFOR-a. Zahvalio je Bairu i pripadnicima EUFOR-a na podršci Oružanim snagama BiH i našoj zemlji na putu u euroatlantske integracije.

### Približavanje NATO-u

EUFOR u Travniku ima tri mobilna tima za obuku, sastavljena od osoblja iz Mađarske, Italije, Rumunije, Španije i Turske. Oni pod vodstvom brigadira Aytaca, naglasio je general Bair, uspostavljaju novi odnos sa OSBiH, kako bi s

njima podijelili svoje iskustvo i stručnost.

- Ovaj koncept je zasnovan na potrebama i zahtjevima Oružanih snaga BiH. Imamo zajednički cilj - unaprijediti kapacitete Oružanih snaga BiH za ispunjavanje njihovih državnih odgovornosti i poduprijeti Ministarstvo odbrane i OSBiH u težnji da pristupe NATO-u. EUFOR i dalje veoma blisko saraduje sa OSBiH i NATO-om na definiranju područja za obuku i saradnju, kazao je general Bair.

Komandant EUFOR-a je odao priznanje generalu Milojčiću i njegovom Zajedničkom štabu "na izvanrednom vodstvu i viziji za Oružane snage BiH u periodu značajnih transformacija i reformi". Bair je zahvalio i komandantu Komande za podršku general-majoru Mirsadu Gutiću i brigadiru Robertu Sušcu na dobrodošlici timovima EUFOR-a u travničku bazu.

Daniel OMERAGIĆ

### Tanja Fajon



### Jednoglasnost

Poruka SAD-a liderima u Bosni i Hercegovini za političke reforme ujedno je i poruka EU, izjavila je jučer za Fenu Tanja Fajon.

Odgovarajući na pitanje da li SAD i institucije EU dijele iste stavove prema BiH, te da li u narednom periodu možemo očekivati koordiniraniju akciju SAD-a i EU prema regionu, uključujući BiH, u smislu diplomatske i druge pomoći, kako bi se ubrzao njihov evropski put, Fajon je rekla da se u Evropskom parlamentu nadaju da će članstvo BiH u EU biti prioritet budućih bh. vlasti. "Ustavne i druge promjene su nužne za članstvo BiH u EU", kazala je Fajon.

### Jelko Kacin



### Jasan stav SAD-a i EU

Kada je u pitanju posjeta Hillary Clinton BiH, Jelko Kacin je ocijenio da je ona bila na izvjestan način kompleksna, a činjenica da je započela turneju u Sarajevu nije slučajna. "Istakla je stav da je na SAD-u i EU da pomognu i ohrabre dijalog svih strana u BiH, ali da samo bh. lideri mogu napraviti proboj i postići kompromis oko budućeg razvoja njihove države. Također, Clinton je istakla da SAD podržavaju BiH kao demokratsku i multietničku državu, te da nikakva secesija ne dolazi u obzir. To su stavovi u kojima EU i SAD imaju jasan i čvrst konsenzus, koji se neće mijenjati", poručio je Kacin.

### Krišto - Fuguo



### Umjesto krivaca, tražiti rješenja

Borjana Krišto, predsjednica FBiH, primila je jučer veleposlanika NR Kine u BiH Wang Fuguo. Razgovarali su o proteklim izborima u BiH, implementaciji izbornih rezultata, o stanju u FBiH i BiH te stupnju međusobnih odnosa i saradnje. Nužno je donošenje novog ustava BiH koji će svima omogućiti apsolutnu jednakopravnost, garantirati bolju budućnost te otvoriti put euroatlantskim procesima. U sadašnjoj situaciji umjesto traženja krivaca, moraju se tražiti rješenja, poručila je Krišto. Fuguo je naglasio kako će Kina i dalje ostati principijelna da svi narodi u BiH žive u slozi.

### Safet Softić



### Vlast u FBiH u januaru ili februaru

Safet Softić, predsjedavajući Predstavničkog doma Parlamenta FBiH, smatra da nova zakonodavna i izvršna vlast u FBiH neće biti konstituirana prije januara ili februara iduće godine. Mjesec po službenom potvrđivanju rezultata izbora mogu biti verificirani mandati novoizabranim poslanicima u Predstavničkom domu FBiH i taj nivo se bez većih poteškoća može ubrzo konstituirati. Problem koji Softić predviđa odnosi se na formiranje Doma naroda jer dok ne bude okončano konstituiranje kantonalnih skupština, iz njih ne mogu biti kandidirani delegati za taj parlamentarni nivo.